

Geachte Ds.,

Eh het Mrs. Jacobs
gevra om 'n skatting van wat
die beplanning ons gaan
kos, om ons te laat toekom.
As ons van hom gehoor het,
laat ek u weet, en dan
kan ons die beplanning
verder besluit.

H. J. J.

19 Mei 1975



Verw. Nr./Ref. No.

NAVRAE/ENQUIRIES: J.F. JACOBS

Tel. No. 83

KANTOOR VAN DIE-OFFICE OF THE

Voorligtingsbeampte

Posbus 81

SMITHFIELD 9966

13 Mei 1975

Ds. J.L. Pretorius
Posbus 1399
BLOEMFONTEIN 9300

PLAAS : VALSFONTEIN NO. 147 : DISTRIK BETHULIE.

U skrywe F/1 gedateer 30 April 1975 verwys.

Die prosedure wat gevolg moet word wanneer 'n grondeienaar sy plaas wil laat beplan, is as volg:

1. Die geregistreerde eienaar van die grond, of sy gevolmagtigde, doen aansoek by die Voorligtingskantoor dat die plaas beplan moet word.
2. 'n Beampte van hierdie kantoor reël dan 'n afspraak met die eienaar of sy gevolmagtigde 'n datum waarop die plaas dan beplan word.
3. Nadat die plaas beplan is, word die beplanning aan die Hoofvoorligtingsbeampte voorgelê vir goedkeuring.
4. Nadat die beplanning goedgekeur is, word toestemming verleen dat die werke volgens spesifikasies opgerig mag word.
5. Die eienaar word voorsien van 'n skedule en plaaskaart waarop die posisies van heinings en veesuiplings aangedui word.
6. Na voltooiing van een of meer werke, word 'n verklaring deur die eienaar of sy gevolmagtigde afgelê dat die werke volgens spesifikasies voltooi is. Die werklike lengtes van heinings en pyplyne moet dan ook verstrek word.

7. Subsidie word dan uitbetaal ooreenkomstig die verskil-
lende tariewe vir elke werk van toepassing.

Subsidies wat betaalbaar is, is as volg:

2.1 Standaardveesuipingstelsels.

- 2.1.1 Reservoirs: 4,2 meter deursnee, 1,5 meter diep R93
4,2 meter deursnee, 1,8 meter diep R102

2.1.2 Langwerpige suipkrippe.

- 3 meter lank, 150mm wyd, 150mm diep R8
- 6 meter lank, 225mm wyd, 225mm diep R14

2.1.3 Toevoer en verbindingspype, d.w.s. pype vanaf windpomp
na dam en dam na krippe: R0-25 per meter.

2.2 Nie-Standaard veesuipingstelsels, d.w.s. stelsels wat
eers deur die kantoor opgemeet moet word.

- 2.2.1 Reservoirs: 4,2 meter deursnee, 1,5 meter diep R93
4,8 meter deursnee, 1,5 meter diep R107

2.2.2 Langwerpige suipkrippe.

- 3 meter lank, 150 mm wyd, 150 mm diep R27
- 3,6 meter lank, 150 mm wyd, 150 mm diep R34

3.1 Pyplyne.

Die subsidie op pyplyne varieer baie aangesien daar 'n
groot aantal kombinasies van deursnee en werkdruk is.
Slegs twee voorbeelde word aangehaal.

- 25 mm deursnee, 31 - 60 m waterdruk R0,29 per meter
- 32 mm deursnee, 31 - 60 m waterdruk R0,35 per meter

4.1 Heinings.

- Heinings van nuwe materiaal R1,42 per meter
- Heinings van gebruikte materiaal R0,57 per meter
- Verskuiwing van heinings R0,57 per meter

Aangeheg hierby is 'n vorm LTD⁷⁻⁶²⁴ wat die geregistreeerde
eienaar of sy gevolmagtigde moet voltooi. Daarna moet
dit in die teenwoordigheid van twee getuies onderteken
word wat dit dan ook mede-onderteken op die plek waar
aangetoon. Hierdie aansoekvorms om subsidie moet dan
weer aan hierdie kantoor gestuur word sodat 'n mosaïek
vir die plaas bestel kan word.

